

TICWA ME KER

APRIL 2012

CABIT MA CAKKE I APRIL 9

Wer 32 ki Lega

□ Cokke me Kwano Baibul:

fy dul 14 para 7-13 (Dak. 25)

□ Cukul me Tiokraci:

Kwano Baibul: Jeremia 22-24 (Dak. 10)

Nam. 1: Jeremia 23:15-23 (Dak. 4 nyo pe o)

Nam. 2: Gin Mumiyo Kwo i Lobo Manyen Pe Biolo Dano (Dak. 5)

Nam. 3: Tic ki Cik me Baibul Twero Weko Nyom Bedo Maber—rs-E pot 254 para. 1-4 (Dak. 5)

□ Cokke me Ticwa:

Wer 36

Dak. 5: Lok Angeya.

Dak. 15: Ti maber ki 2012 *Yearbook*. Jeng lokki i “Waraga ma oa ki bot Lukiko Madit.” Ci iwek lwak gulok i kom gin mutimme ma cuko cwinygi ma kicoyo pire i “Wi Lok Madito me Mwaka Mukato.” Dok iwek dano gulok i kom ripot ma kwako lobo ducu. Gik lokki ki cuko cwiny dano me kwano *Yearbook* man nio wa i tyekone.

Dak. 15: “Yo Adek me Yubo Kit me Pwony-nyi.” Lapeny ki lagam. Ka wutye ka nyamo paragraf me 2, wek kinyut kit ma latit kwena mo tye ka nyamo ki rword ot paragraf mukwongo i pot karatac me 3 i buk me *Baibul Pwonyo*. I nge latit kwena kwano ka ma kikwanyo ki i Yubu 10: 15, wek en oti ki dakika acel nyo aryo me tito ngat ma Yubu obedo. Lacen, peny lwak wek gutit gin mumiyo en pe omiyo pwony meno maber, kadi bed ngec ma en omiyo i kom Yubu onongo tye atir.

Wer 10 ki Lega

Yo Adek me Yubo Kit me Pwony-nyi

¹ Lutit kwena ducu gubedo lupwonye. Kadi bed watye ka limo dano tyen mukwongo, dok cen bot jo ma gunyuto miti, nyo kwano Baibul ki dano, gin ma pire tek aye nongo watye ka miyogi ngec. Dok ngec ma wamiyo obedo kwena

1. Pingo omyero wayelle me yubo yo me pwonywa?

ma pire tek. Watye ka miyo ngec i kom “coc ma leng,” ma miyo ‘ryeko me nongo larre.’ (2 Tem. 3:15) Man pud dong obedo mot ma pire tek atika! Wabinyamo yo adek ma twero konyowa me yubo kit me pwonywa.

² **Pwony i Yo ma Niang Iye Yot:** Ka wangeyo pwony moni maber, wiwa twero wil ni pwony meno nongo tek bot ngat ma tye ka winyone tyen mukwongo. Pi man, ka itye ka kwano Baibul ki dano, pe idur lok mapol. Me kaka meno, lok i kom wi lok ma pigi tego aye. Duru lok mapol pe te lokke ni nongo ibedo lapwony maber. (Car. 10:19) Bedo ber ka ikwano ginacoya ma loko atir i kom gin ma wutye ka nyamo. I nge kwano ginacoya, nwo ka ma ginacoya loko iye i kom gin ma wutye ka nyamo. Pwony pa Yecu me Wi Got, ma kicoyo i Matayo cura 5 me o i cura 7, tye ki lok ada mapol, ento Yecu omiyo pwony man i yo ma niang iye yot dok otiyo ki lok macek cek.

³ **Ti ki Lapor:** Lapor tugo cwiny ki tam pa dano dok konyo me poyo wic. Pe itam ni myero kong ibed dano ma ngeyo boko ododo wek imi lapor maber. Pol kare Yecu otiyo ki lapor macek, ma niang iye yot. (Mat. 7:3-5; 18:2-4) Cal ma niang iye yot ma kigoyo i karatac twero bene tic maber. Yubbe woko con romo bene konyi me tamo lapor mogo ma weko dano niang maber i gin ma ibipwonyo.

⁴ **Lapeny:** Lapeny miyo latin kwan tamo tam. Pi man, bedo ber ka imiyo kare ki latin kwan me gamo lapeny ma ipenyo. Ka in aye dok irune ka miyo lagam, ci pe ibingeyo kit ma latin kwanni tye ka dongo kwede. Ka en omiyo lagam ma pe tye atir, ma ka tiro en, twero bedo ber ka ikonyo en me miyo lagam matir kun nongo ipenye ki lapeny mogo mukene. (Mat. 17:24-27) Adada, wan ducu wabedo lupwonye ma tye ki roc. Pi man, Baibul cuko cwinywa me keto cwinywa i kit ma wapwonyo kwede. Ka watimo kit meno ci wabinongo kwo ma pe tum piwa, ki pi jo ma winyowa.—1 Tem. 4:16.

2. Waromo pwonyo dano i yo ma niang iye yot nining?

3. Tic ki lapor kelo adwogi maber ango, dok lapor mene ma tiyo maber?

4. Waromo tic ki lapeny i yo maber nining?

CABIT MA CAKKE I APRIL 16

Wer 73 ki Lega

❑ Cokke me Kwano Baibul:

fy dul 14 para. 14-19 (Dak. 25)

❑ Cukul me Tiokraci:

Kwano Baibul: Jeremia 25-28 (Dak. 10)

Nam. 1: Jeremia 27:1-11 (Dak. 4 nyo pe o)

Nam. 2: Ngo ma Watwero Pwonyone ki i Baibul i kom Maliam?—rs-E pot 254 para. 5—pot 255 para. 2 (Dak. 5)

Nam. 3: Gin ma Baibul Loko i kom Nyuto Woro bot Jo Muteggi (Dak. 5)

❑ Cokke me Ticwa:

Wer 90

Dak. 5: Lok Angeya.

Dak. 10: Dong Dironi Macalo Lapwony—Bute me 3. Pwony ma jenge i buk me *Ministry School*, pot karatac 59-61.

Dak. 20: : “Lucaden pa Jehovah—Ticgi me Niye, Bute me 1: Gua ki i Col Piny.” Lapeny ki lagam. Ti ki ngec me paragraf mukwongo me cako lok, ki paragraf me agikki pi dolo te lok. Ka ma vidio man pe iye, ti ki ngec ma tye i buk me *Proclaimers* pot karatac 718 me o i pot karatac 723 dok ilok i kom jami mogo mutimme i tekwaro pa Lucaden pa Jehovah.

Wer 116 ki Lega

Lucaden pa Jehovah —Ticgi me Niye, Bute me 1: Gua ki i Col Piny

I Baibul, dero cung pi lok me ada, ento ki tungcel colpiny cung pi goba. (Jab. 43:3; Ic. 5:20) Catan okelo tic me col piny i lobo i kare ma en obwolo Kawa, mot mot en onyayo tic maraco me col piny i kabedo ducu. (Yabo. 12:9) Vidio ma wiye tye ni *Jehovah's Witnesses—Faith in Action, Part 1: Out of Darkness* tito kit ma dero me lok pa Lubanga ocako nen kwe-de ki i col piny. (Ic. 60:1, 2) I nge neno vi-

dio man, tika itwero gamo lapeny magi?

(1) Col piny marac ocakke nining i nge to pa lukwena? (2) Nicakke i mwaka 1100 ki wiye, alokaloka ango ma obedo tye ma okonyo dano me niang ni dini pa Lukricitayo ata-ni pe gitye ka lubo yo matir? (3) Henry Grew ki George Storrs gubedo angagi? (4) Jami ango ma otimme i kwo pa Charles Russell ma ogudo kwone adada? (5) Omega Russell, ki wonne, ki jo manok mukene gudoro yubgi me kwano Baibul nining, dok ngo ma gin guniang ki i kwangi me Ginacoya? (6) Gurup pa Omega Russell gucako ribbe kangel ki gurup pa Nelson Barbour nining, dok ngo mumiyo Omega Russell opokke woko ki i gurup meno? (7) Ngo ma otimme i Julai me mwaka 1879 ma oweko dero me lok pa Lubanga ocako nen? (8) Lacen, ngo ma Lutino Kwan me Baibul gutimo wek gutit kwena maber-ri i kabedo mapol? (9) Mwaki mapol anyim, Lutino kwan me Baibul gutamo ni ngo ma obitimme i mwaka 1914? (10) Peko ango ma Lutino Kwan me Baibul guwok ki iye i nge to pa Omega Russell? (11) Gin ango ma Lutino Kwan me Baibul gutimo i kare ma kigonyo Omega Rutherford ki omege mukene ki i buc? (12) Neno vidio man ojingo niyeni nining i kom dul pa Jehovah? (13) Vidio man ojingo cwinyi nining me medde ki tito kwena maber-ri kadi bed ariya tye? (14) Watwero tic ki vidio man nining me konyo wadiwa, lutino kwanwa me Baibul, ki jo mukene?

Lutino Kwan me Baibul me kare macon pud dong guweko piwa jami aleya me cwiny ya! I lobo ma tye i col piny i yo me cwiny-nyi, gin gutiyo ki tekcwiny dok ki mit kom kun gubedo calo tara ma menyo piny. Bedo ber ka walubo lanengi kun wamedde ki wot calo “jo me ceng.” —Ep. 5:8.

CABIT MA CAKKE I APRIL 23

Wer 49 ki Lega

❑ Cokke me Kwano Baibul:

fy dul 14 para 20-25, bok i pot 172 (Dak. 25)

❑ Cukul me Tiokraci:

Kwano Baibul: Jeremia 29-31 (Dak. 10)

Nam. 1: Jeremia 31:15-26 (Dak. 4 nyo ma pe o)

Nam. 2: Lubanga Mono Mito ni Lukricitayo Gulub Yub me Cabat ma Bedo Cabit ki Cabit-ti? (Dak. 5)

Nam. 3: Maliam Mono Onongo Ada Peya Ongeyo Co i Kare ma Onywalo Yecu?—rs-E pot 255 para. 3-4 (Dak. 5)

❑ Cokke me Ticwa:

Wer 130

Dak. 10: Lok Angeya. Ti ki dakikaacel nyo aryo me nyuto pwony ma tye i magajin manyen i kacokkewa ma twero

tic maber i wang ticwu. Ci iti ki wi lok madit me *Wi Lubele*, dok ikwa lwak me miyo tamgi i kom lapeny ma tugo miti pa dano, ingeyo gumi ginacoya mupore me akwana. Ti ki lok acel-lu me nyamo wi lok madit me *Awake!* dok cawa wunyam pwony mukene ma i *Wi Lubele* nyo *Awake!* Wek kinyut lapor i kom kit me tero magajin acel acel.

Dak. 15: “Nong Adwogi Maber ki i Kwan Piri Keni.” Lapeny ki lagam. Cuk cwiny dano ducu me nongo cawa pi yub me kwan pigi kengi, kwedo, ki lwodo lok.

Dak. 10: “Pwony ma Omyero Wati Kwede i Otyeno me Woro pi Jo me Ot.” Pwony ma jenge i bok ma tye i pot karatac 28 i *Watchtower* me Okto-ba 15, 2010. Ka opore pi kacokkewu, iromo penyo dano mo ma olimo jang gang kalwa.

Wer 119 ki Lega

Nong Adwogi Maber ki i Kwan Piri Keni

¹ Wanongo adwogi maber ka ‘waketo cwinywa tutwal’ i kwan piwa kenwa kacel ki lwodo lok. (Ibru 2:1) Kwano ki lwodo lok i Baibul ki buk-kewa bimiyouwa kare me weko ada ma i Lok pa Lubanga donyo matut i cwinywa. Man bigudo tamwa ki ticwa dok miyo bedo mupore. Adada, wabinongo yomcwiny i timo tic pa Jehovah. (Jab. 1:2; 40:8) Pi man, myero wapwony kit me keto tamwa i gin acel, ma bikonyowa i kare me kwan. Jami mapol twero wiro tamwa! Jami matino tino—calo ka ngat

1. Kwan ki lwodo lok kelo botwa adwogi maber ango?

mo ogoyo cim nyo woo mogo twero dwoyo tamwa woko ki i gin ma watye ka kwano. Nyo kare mukene nongo adamwa tye ki kero me kwan pi cawa manok mo keken. Waromo yubo cwinywa pi kwan, ento ma nongo peya kare malac okato, wacako tamo gin mo mapat. Waromo ‘keto cwinywa tutwal’ i kare me kwano Lok pa Lubanga piwa kenwa nining?

² Bedo ber ka waketo yub piwa me kwan kun wayero kabedo maber loyo ma watwero kwan ki iye. Pi pol pa wan dano, nongo cawa ki dong kabedo ma oling mot ma

2. (a) Pingo pire tek botwa me yubo kare me kwan piwa kenwa? (b) Inongo cawa nining me kwano Lok pa Lubanga?

dano mukene pe iye, pe yot. Wano-ngo ni ticwa me nino ducu camo cawawa ci wabedo calo pot yat ma pii me kulu tye ka molone oyotoyot. Omyero walweny matek calo dano ma tye ka kwang kun dok tung ka ma pii a ki iye, me wek wanong kare. Pe waromo kuro nio ka kare onen. Me kaka meno, wan aye myero wayeny kare me kwan piwa kenwa. (Ep. 5:15, 16) Jo mukene gitute me nongongo kare me kwangi odiko con ma nongongo piny opye mot. Mukene ginongongo ni otyeno aye obedo kare maber botgi me kwan. Gin ma pire tek ma myero wiwa pe owil iye aye nongongo ngec matir i kom Lubanga ki Wode. (Jon 17:3) Pi meno, omyero wayubu kare me kwan piwa kenwa ci wamedde ki lubo yub meno.

³ Lwodo lok—ma te lokke gonye ni bedo ka tamo gin ma ikwano i yo matut—pire tek mada. Konyowa me kwanyo tam pa Lubanga ki i bukke ma wakwano ki ketone i cwinywa. Lwodo lok konyowa me ngeyo kit me keto tira me Baibul i tic wek wadok “jo ma keto gin ma giloko i tic, pe . . . jo ma winyo awinya keken.” (Yak. 1:22-25) Medo i kom meno, lwodo lok konyowa me nyiko cok ki Jehovah, pien miyo watamo i kom kite mogo ki dok kit ma kiloko kwe-
de i kom kite magi i buk ma nongongo watye ka kwanone.

⁴ Me wek wanong adwogi maber

3. Lwodo lok obedo ngo, dok watwero nongongo adwogi maber ki iye nining?

4. Gin ango ma mitte wek walwod maber lok i kom gin ma wakwano?

ki i kwan ki lwodo lok, omyero wakwany tamwa woko ki i jami mogo ma wiwo tamwa. Me weko wiwa obed twolo pi jolo ngec mukene manyen ka watye ka lwodo lok omyero wajak par mogo me kwo me kare-ni. Timo man cwalo kare dok mito ni ibed keni ka ma oling mot, ento pud, wabiwinyo ni watye agonya ka watye ka mato pii ki camo cam ma i Lok pa Lubanga!

⁵ Gin ango ma watwero timone ka adamwa tye ki kero me kwan pi cawa manok keken? Jo mukene gunongongo ni gitwero medo kero me kwangi ka gicako ki kwan pi cawa manok keken ci mot mot giromo medo cawa me kwangi. Mitiwa myero obed me tero cawa mapol i kwan ento pe me kwan wiye wiye oyotoyot. Mito wadong mar pi pwony ma nongongo watye ka kwanone. Dok waromo kwedo tyen lok mogo kun watiyo ki bukke mapol ma lagwok ot ma lagen ocoyo. Lonyo madit tye i kwano “tam ma Lubanga okano i iye ka matut.” (1 Kor. 2:10) Timo man medo ngecwa i kom Lubanga dok weko wadongo ryekowa me poko gin maber ki gin marac. (Ibru 5:14) Ka wabedo lutino kwan me Lok pa Lubanga ma komgi mit, ci wabibedo jo “ma giromo pwonyo ki jo mukene.”—2 Tem. 2:2.

5. (a) Ma lubbe ki kwan piwa kenwa, ngo ma okonyo jo mukene me medo kero me kwangi? (b) Myero wabed ki tam ango ka odok i lok me kwan, dok adwogi maber ango ma waromo nongone ki i yub ma pire tek man?

CABIT MA CAKKE I APRIL 30

Wer 90 ki Lega

❑ Cokke me Kwano Baibul:

fy dul 15 para. 1-5 (Dak. 25)

❑ Cukul me Tiokraci:

Kwano Baibul: Jeremia 32-34 (Dak. 10)

Nyamo Lapeny me Cukul me Tiokraci
(Dak. 20)

❑ Cokke me Ticwa:

Wer 82

Dak. 10: Lok Angeya. Ti ki kit me cako lok ma kimiyo i pot karatac 6 me nyuto kit me cako kwano Baibul ki dano i Ceng Abicel mukwongo me Mai.

Dak. 10: Kit me Dok i Lok pa Jo ma pe Giye Lok i kom Dini. Pwony ki lapeny ma jenge i buk me *Reasoning*, pot karatac 330, paragraf 4, me o i pot karatac 333, paragraf 2. Wek kinyut lapor acel nyo aryo kun kitiyo ki tam magi.

Dak. 30: Gin Ango ma Wapwonyo? Pwony ki lapeny. Wek kikwan Tic pa Lukwena 4:1-13, 18-20. Wunywak tam i kom kit ma ginacoya magi twero konyowa kwede i ticwa me pwony.

Dak. 5: “Cente Aryo ma Welle Tidi.” Pwony.
Wer 126 ki Lega

Cente Aryo ma Welle Tidi

Yo acel ma pire tek ma waromo miyo kwede cwak pi ticwa me Ker-ri obedo miyo mot me cente pi tic me tito kwena ma kwako wi lobo ducu-ni. Ento ka ibedo lacan kono?

Nino mo acel Yecu oneno ka dato mo ma lacan tye ka bolo cente aryo ma nyige ma welle tidi adada i canduk lim. Mar pi Jehovah aye oweko en “obolo limme ducu ma en tye kwede, ma onongo konyo kwone.” (Mar. 12:41-44) Kit ma Yecu oloko i kom wel lim ma en obolo-ni, man onyuto ni obedo me wel madit i wang Lubanga. Lukricitayo me cencwari mukwongo bene gutero tic me miyo mot calo gin me deyo. Lukricitayo ma lucan kacel ki lulonyo lung gumiyo mic ma gitwero miyone. Lakwena Paulo omiyo lanen pa omege me Makedonia ma kadi bed ni onongo gitye “i dye can madit mada . . . gin gulegowa ma gibako doggi ni watim ber, waye gin giribbe kwedwa i konyo jo pa Lubanga.”—2 Kor. 8: 1-4.

Pi man, ka wan bene watwero miyo mot ma rom ki ‘cente aryo ma welle tidi-ni’ myero wange ni cente manok ka kiribo kacel twero doko cente ma

welle dit. Mic ma wamiyo ki cwinywa ducu yomo cwiny Wonwa me polo ma cinge yot-ti, “pien Lubanga maro ngat ma miyo jamine ki yomcwiny.”—2 Kor. 9:7.

Nyamo Lapeny me Cukul me Tiokraci

Lapeny magi gibinyamogi i Cukul me Tiokraci i cabit ma cakke i April 30, 2012. Nino dwe ma kibinyamo iye pwony moni kinyuto i ka nget lapeny acel acel, wek wakwed lok ka watye ka yubbe pi cukul cabit ki cabit.

1. Gin ango mumiyo buk pa Jeremia pire tek botwa? [Mar. 5, *si-E* pot 129 para. 36]
2. I kare-ni Jehovah twero larowa ki i aunauna nining? (Jer. 1:8) [Mar. 5, *w05-E* 12/15 pot 23 para. 18]
3. Awene dok i yo ma nining ma jo ma kiwirogi gudok cen i “yo me kare macon”? (Jer. 6:16) [Mar. 12, *w05-E* 11/1 pot 24 para. 12]
4. Pingo waromo wacci “yat me cango dano” tye i “Gilead” i kareni? (Jer. 8:22) [Mar. 19, *w10-E* 6/1 pot 22 para. 3–pot 23 para. 4]
5. I yo ma nining ma Jehovah ‘ngut’ kwede i nge ngolo kop? (Jer. 18:7, 8) [Apr. 2, *jr-E* pot 151, bok]
6. I yo ma nining ma Jehovah obwolo Jeremia, dok pwony ango ma waromo nongone ki iye? (Jer. 20:7) [Apr. 2, *jr-E* pot 36 para. 8]
7. “Gin mapek bot [Jehovah]” obedo ngo? (Jer. 23:33) [Apr. 9, *w07-E* 3/15 pot 11 para. 1]
8. Pingo Jehovah owaco bot jone me kare macon ni, “pud amedde ki nyuto botwu mar mera ma pe lokke”? (Jer. 31:3) [Apr. 23, *jr-E* pot 142-145 para. 8-11]
9. I yo ma nining ma kicoyo cik pa Lubanga i cwinywa? (Jer. 31:33) [Apr. 23, *w07-E* 3/15 pot 11 para. 2]
10. Pingo kiyubo waraga aryo me wilo lobo acel-li? (Jer. 32:10-15) [Apr. 30, *w07-E* 3/15 pot 11 para. 3]

CABIT MA CAKKE I MAI 7

Wer 78 ki Lega

☐ Cokke me Kwano Baibul:

fy dul 15 para. 6-10 (Dak. 25)

☐ Cukul me Tiokraci:

Kwano Baibul: Jeremia 35-38 (Dak. 10)

Nam. 1: Jeremia 36:14-26 (Dak. 4 nyo ma pe o)

Nam. 2: Maliam Mono Otiko Bedo Ngat ma Pe Ngeyo Co?—rs-E pot 255 para. 5—pot 256 para. 2 (Dak. 5)

Nam. 3: Jami ma Danu Timo Tika Gudo Kit ma Lubanga Winyo Kwede?—Lungol. 2:11-18 (Dak. 5)

☐ Cokke me Ticwa:

Wer 91

Dak. 5 Lok Angeya.

Dak. 20: Tika Dong Itemo Tic Kwede? Pwony ki lapeny. Kun imiyi macalo pwony, wot wiye wiye i pwony magi ma okatti cok cok-ki i *Ticwa Me Ker*: “Pe Ilwor Miyo Caden” (km 10/11), “Pim ci Idong Piny ki Ryeko,” ki “Tit Kwena Bot ‘Kit [Danu] Ducu’” (km 1/12). Kwa lwak wek gulok i kom kit ma gutemme kwede me tic ki tam ma kimiyo i pwony magi ki dong adwogi maber ma gunongo.

Dak. 10: Kop ma mako kacokkewa.

Wer 14 ki Lega

Lok Angeya

■ **April ki Mai:** Wabitero *Wi Lubele* ki *Awake!* Ka ma kinnyutu iye miti, mi trak me *In Imito Ngeyo Lok Ada?* kun iyelle matek me cako kwano Baibul ki danu. Ka itye ka dok cen bot jo ma gunyutu miti kacel ki jo ma gimaro bedo tye i kare me Nipo nyo ma gibino i cokke kicel kicel, yelle matek me cako kwano Baibul ki buk me *Baibul Pwonyo*. **Juni:** Wabitero buk me *Baibul Mono Ada Pwonyo Gin Ango?* Tute matek me cako kwano Baibul ki danu i rwatwetu tyen mukwongo. Ka rwod ot dong tye ki buk man dok pe mito kwano Baibul, lutit kwena giromo miyo magajin macon nyo brocuwa mo keken ma tvero gudo cwinyo danu. **Julai ki Agucito:** Lutit kwena giromo tic ki brocuwa mo keken i kin magi ma gitye ki pot karatac 32 ma romo gudo cwinyo danu me kabledowu. *A book for All People, Lubanga Tika Ada Paro Piwa?, Bed ki Yomcwiny Iwi Lobo Nakanaka!, Lasting Peace and Happiness—How to Find them, Our Problems—Who Will Help Us Solve Them?, Spirits of the Dead—Can They Help You or Harm You? Do They Really Exist?, The Divine Name That will Endure Forever, The Government That Will Bring Paradise, Yo me Cito i Kwo ma pe Tum—Dong Inongo?, Was Life Created?, Ngo ma Lubanga*

Mito ki Botwa?, Ngo ma Timme i Komwa ka Wato?, ki When Someone You Love Dies. Ka itye ka dok cen bot jo ma gunyutu miti, ti ki buk me *Baibul Mono Ada Pwonyo Gin Ango?* nyo ma lubbe ki miti pa danu-nyu iromo tic ki brocuwa me *Winy Lok pa Lubanga nyo Winy Lok pa Lubanga Wek Ibed Kwo Nakanaka* pi cako kwano Baibul.

Kit me Cako Lok

Me Cako Kwano Baibul ki Danu i Ceng Abicel Mukwongo i Mai

“In itamo ni dini tye ki kero me kelo mar ki kuc i kin danu, nyo mono tye ka kelo adage ki tim gero aye? [Mine kare wek ogam.] Wek kong anyutti pwony mo ma gudo cwinyo adada.” Mi bot rwod ot *Watchtower* me Mai 1, ci wunyam kacel pwony ma tye i te wi lok mukwongo i pot karatac 16 dok wukwan ginacoya mo acel. Mi magajin ci wuyub nino ma ibidok iye ka gamo lapeny ma lubo meno.

THE WATCHTOWER® Mai 1 ANNOUNCING JERUSALEM'S KINGDOM

“Jo mapol gitamo ni dini myero oribbe ki tic me wibe, ento ki tungcel jo mukene gitamo ni dini pe myero oribbe ki tic me wibe. In itamo iye nining? [Mine kare wek ogam.] Nen kong kit ma Yecu odok kwede i lok man i kare ma danu mito keto en i tic me wibe. [Kwan Jon 6:15.] Magajin man tito kit ma Yecu odok kwede i lok man dok nyamo bene yo maber ma Lukricitayo gitwero konyo kwede jiranigi.”

Awake!® Mai

“Pol kare danu mapol ma waloko kwedgi giwaco ni olo twal kiterogi i yo marac i kare mo. In itamo ni yo mo tye me juko ngolo kop alenga? [Mine kare wek ogam.] Nen kong lok pa lunebi man ma loko i kom laloc ma bijuko ngolo kop alenga. [Kwan Jabuli 72:11-14.] Magajin man nyamo cikke mogo me Baibul pi anyim ma ngolo kop alenga bibedo pe iye.”

Ripot me Ticwa Wiye Wiye

Kenya: Novemba 2011 obedo dwe maber me tic dok wabedo ki wel mamalo pud dong loyo, wel bukke ma kiterogi obedo 52,984 dok kikwano Baibul ki danu ma romo 45,374 ma meno dodo wel lutit kwena me Kenya kiryo kulu. Tute pa jo me kacokke ki painia me tero bukkewa mogo macon bot jo ma gunyutu miti oweko wel bukke ma kiterogi i Novemba obedo mapol.

Uganda: Lutit kwena 5,606 gukwano Baibul ki lutino kwan 15,144 i dwe me Novemba 2011. Man nyutu ni wel lutit kwena omedde ki pacen 8 dok wel lutino kwan me Baibul omedde ki pacen 10 ka kiporo ki Novemba mwaka 2010. Adada, jo pa Jehovah gitye ka tic matek i tic man me laro kwo-ni!—1 Tem. 4:16.